

## 1èr concors de microrelats 15au aniversari dera Biblioteca Generau de Vielha

S'auetz compde en Twitter ja podetz participar en 1èr concors de microrelats qu'organize er Ajuntament de Vielha e Mijaran e era Biblioteca Generau de Vielha en motiu deth sòn quinzau aniversari.

Entà participar-i, cau que mos seguisques en Twitter, 'piules' (en 140 caractèrs) eth tòu microrelat en aranés e mos etiquetes coma @bibliovielha.

Eth tèma deth relat qu'ei liure, mès cau que sigue de creacion pròpria e que non age estat premiat en d'auti concorsi.

Eth dia 20 de noveme ei eth darrèr dia entà enviar eth vòste microrelat.

Eth/era guanhador aurà coma prèmi dues entrades entath cine e tara pista de gèu deth Palai.

### **Bases:**

#### 1. Condicions entà poder-i participar:

Eth concors ei dubèrt a toti es qu'agen un compde en Twitter ([www.twitter.com](http://www.twitter.com)) e que siguen seguidors/es deth compde de Twitter dera Biblioteca Generau de Vielha (@bibliovielha).

#### 2. Coma i podetz participar:

Eth tèma ei liure e es piulades, qu'an d'auer un minimum de 6 paraules e un maximum de 140 caractèrs e an d'èster de creacion pròpria, an d'èster escrites en aranés. Cau qu'etiquetetz a @bibliovielha.

Es tuits sense etiquetar o que non s'adrecen dirèctament tath compde dera biblio non poiràn pas èster admetudi.

#### 3. Era jurada:

Era jurada serà composada peth personau dera Biblioteca Generau, era sua decision serà inapellabla e pòt declarar eth concors desèrt. Eth liurament des prèmis se harà eth dia 25 de noveme, ath laguens des actes de celebracion deth 15au aniversari dera Biblioteca Generau de Vielha.